



Senin, 10 Januari 2022
Ogen: Ezekiel 23:1-21



"Lagu Langkah Si Nggesuh"



Lit dua diberu si perdosa ersenina, Ohola ras Oholiba. Ia duana tading i Mesir. Ia duana diberu si perdenggal rikut ras melala biakna si nggesuh. Perbahanenna e ncidahkan kegeluhen si nggesuh segedang-gedang kegeluhenna seh maka arah Nabi Esekiel icidahkan Dibata kinirawanna nandangi dua diberu si perlua-lua enda. Sendah, ibabai kita i bas perenungen guna ngenin pengalamen kegeluhenta enda, entah kin kita pe pernah erlagu langkah si nggesuh i adep-adepen Dibata? Sebab erlagu langkah nggesuh i adep-adepen Dibata mereken kegeluhen sintabeh ras meriah ukur secara doni.

Ohola ras Oholiba jadi simbol kegeluhen suku Juda ras Samaria si duana ia ersenina. Sepuluhdua suku Israel si terbagi ku bas dua terpuk, eme Israel utara si ibu kotana Samaria ras Israel Selatan ibukotana Juda. Kegeluhen dua terpuk enda encidahkan perbahanen si la payu, selingkuh ras perbulangenna bage pe selingkuh ras Dibata selaku Dibatana. Ipindona penampat man Mesir lako nampati ia, itadingkenna Dibata si enggo melala engkelengi ia. Perbahanenna e nambahi rawa Dibata.

Selaku diberu, kita harus ngergaken kerna kegeluhenta baik secara biak entah pe ngergaken fisikta selaku kita diberu tinepa Dibata. Amin gia, megati sibegiken kita diberu si lemah, tapi labo e erbanca kita banci mereken geluhenta man dilaki si la jadi pasangannta. Teklah kita, diberu si ngasup njagai geluhna ia berarti ngasup ngergaken Dibata si nggo nepa ia. Moria harus banci ngekelengi daging ni kulana. Ula pernah ncedai daging ni kula Kristus si lit bas kita sekalak-sekalak sabab e me pemere Dibata si meherga man banta. Moria pentar, Moria si ngasup nulak kerna sura-sura doni enda amin gia itawarken kita kerna kesenangan doni enda sierbanca senang kita secara doni.

Setia man Tuhan, setia man pasangan nggeluh